



Udruženje Život sa Down syndromom i Ministarstvo obrazovanja i nauke Kantona Sarajevo realiziraju projekat

„Razvoj inkluzivne prakse u osnovnim školama –koraci do socijalnog uključivanja“
Saopštenje za medije

Sarajevo, 13.10.2011. godine

Udruženje *Život sa Down syndromom* u saradnji sa Gradom Sarajevo, UNDP-om u BiH i Ministarstvom obrazovanja i nauke Kantona Sarajevo realizuje projekat **Razvoj inkluzivne prakse u osnovnim školama - koraci do socijalnog uključivanja**.

Projekat je namijenjen osnovnim školama četiri gradske općine: Stari Grad, Centar, Novi Grad i Novo Sarajevo.

Inkluzivno obrazovanje predstavlja model u kojem sva djeca, sa različitostima imaju jednake mogućnosti za odgoj i obrazovanje i predstavlja temelj općedruštvenom uključivanju djece sa posebnim potrebama. Ovaj vid obrazovanja je dio svjetskog inkluzivnog procesa i naša država ga je prihvatila mnogim međunarodnim dokumentima i djelimično ugradila u domaće zakonodavstvo. Da bismo inkluziju učinili realnošću, potrebne su mnogobrojne promjene na različitim nivoima društva.

Ovim projektom promjene se dešavaju na nivou škole a tiču se unapređenja inkluzivne kulture, politike i prakse kao i na nivou učionice pri čemu se jačaju kompetencije nastavnika za rad u inkluzivnom odjeljenju, u kojem svako dijete napreduje prema svojim mogućnostima.

Ciljevi Projekta su, između ostalog, unapređenje inkluzivnog obrazovanja djece sa posebnim obrazovnim potrebama, osnaživanje nastavnika za rad u inkluzivnim odjeljenjima, te kvalitetnije praćenje inkluzivnog procesa u 30 osnovnih škola u kojima se realizuje Projekat. Nakon dvomjesečne pripreme svih neophodnih projektnih aktivnosti udruženje Život sa Down syndromom, Ministarstvo obrazovanja i nauke Kantona Sarajevo i 30 osnovnih škola četiri gradske općine potpisuju **Protokol o saradnji**. Svečano potpisivanje Protokola održat će se 14.10.2011.godine, sa početkom u 12 sati u Centru za edukaciju i razvoj nastavnih tehnologija, u ulici Obala Kulina bana broj 3 u Sarajevu.

Pozivamo Vas da se odazovete pozivu i time date doprinos društvu u boljem razumijevanju inkluzije kao procesa u kojem samo zajedno možemo ostvariti *školu za sve!*

KONTAKT: Agić Maida, PR 061/216 885; 033 210 664

Projekat se realizuje u sklopu UNDP-ovog projekta „Jačanje lokalne demokratije/demokracije II – LOD II“ kojeg finansira Evropska unija u iznosu od 1,5 miliona eura.



Projekt finansira
Evropska unija



Ministarstvo pravde
Bosne i Hercegovine



Empowered lives.
Resilient nations.



Grad Sarajevo
City of Sarajevo